



DECEMBER 2019

Volume 6 - Issue 26

# The Salvation News



*Happy*  
**Nyob Zoo Xyoo Tshiab!**  
*New Year*  
**2020**

“Yog li ntawd, peb tsis txhob nkees ua tej haujlwm zoo; yog peb pheej ua tsis tso tseg, muaj ib hnuv peb yeej yuav tau sau xwb. ~ Kalatias 6:9”

# THE SALVATION NEWS

*Xoo Xwm Zoo*



COPYRIGHT © 2010 by The Salvation News  
All Rights Reserved. Revised 2019

PO Box 1204 • Oliverhurst, CA 95961

No part of this publication may be reproduced in any form or by any means without the publisher's prior written permission

# THE COVER

October - December 2019  
Vol. 6 - Issue 26

**Happy New Year**  
**Nyob Zoo Xyoo Tshiab**

# Table of Contents

## ARTICLES

- 4**    **Worship Location**  
*Chaw Teevhawm Vajtswv*
- 5**    **Twv Vajluskub**  
*Koj Paub Vajluskub Npaum Licas?*
- 6**    **Mus Saib 7 Pawgntseeg**  
*SCG Pawgntseeg*
- 12**   **Tus Thawjcoj**  
*Ua Vajtswv Tsaug Uas Koj Muaj Ib Tug Thawjcoj*
- 15**   **Marysville SCG**  
*Merry Christmas & Nyob Zoo Xyoo Tshiab*
- 18**   **Tua Nyuj Faib Sawvdaws Noj**  
*Kev Koomtes*
- 19**   **Zov Hmo Txais Xyoo Tshiab**  
*Koobhmoov 2020*
- 20**   **We Believe/Kev Ntseeg**  
*SCG 14th Doctrines*





**CALIFORNIA LOCATION:**

1. **Fresno Salvation Church of God**  
4626 E. Dakota Ave, Fresno, CA 93726  
Pastor Xenger Jeremy Xiong - (559) 310-0229
2. **Living Gospel Salvation Church of God**  
918 Sierra Drive (*Worship Address*)  
Modesto, CA 95351  
Pastor Leng W. Xiong - (209) 556-4285  
Elder Chertzong Xiong - (209) 484-3833
3. **Marysville Salvation Church of God**  
5286 Feather River Blvd. (*Worship Address*)  
Olivehurst, CA 95961  
Tubtxib Kou Yang (Tswv Pab) - (530) 218-6851

**MINNESOTA LOCATION:**

4. **Hmong Salvation Church of God**  
540 Wheelock Pky E, (*Worship Address*)  
St. Paul, MN 55106  
Pastor Sia Ge Kong - (612) 760-2678
5. **Redeemer Salvation Church of God**  
5050 Hodgson Road (*Worship Address*)  
Shoreview, MN 55126  
Pastor Chentzeng Vaugh - (612) 280-8444  
Tubtxib Yengcheng Lor - (651) 343-0509

**WISCONSIN LOCATION:**

6. **Milwaukee Salvation Church of God**  
7256 W. Center Street (*Worship Address*)  
Wauwatosa, WI 53210  
Rev. Vachinzong Lor - (414) 731-2160  
Elder Thai John Xiong - (414) 239-4894
7. **New Salvation Church of God**  
3565 Finger Road, Green Bay, WI 54311  
Pastor Anthoni Kao Her - (920) 784-8696  
Elder Chong Thong Ly - (920) 246-5474



# Twv

# Vajluskub

By Chu-Yin T. Her

## Koj Paub Vajluskub Npaum Licas?

### A: Xaiv seb qhob lus teb twg thiaj li vog

1. Tus timtswv uas hais rau Malis tias koj yuav xeeb ib tug tub muaj lub npe hu licas?
  - A. Yauxej
  - B. Judas
  - C. Khali-ees
  - D. Mikhas
2. Tus Vajntxwv uas nyob rau lub sijhawm uas Yexus yug nws lub npe hu licas?
  - A. Philaj
  - B. Helauj
  - C. Xa-us
  - D. Ximoos
3. Emanu-ees yog txhais licas?
  - A. Vajtswv nrog peb nyob
  - B. Vajtswv pab peb
  - C. Vajtswv nrog nraim peb
  - D. Vajtswv tuaj peb tog
4. Muaj tsib tug pojniam uas teev tseg rau hauv Yexus Khetos cov yawgkoob. Lawv cov npe hu licas?
  - A. Malias, Luv, Tamaj, Na-oomis, Eva
  - B. Tamaj, Lahaj, Luv, Npasenpas, Malis
  - C. Exethaws, Luv, Lahaj, Tamaj, Xalais
  - D. Na-oomis, Luv, Tamaj, Malis, Pajdas

### B: Sau qhov lus teb rau ntawm txoj kab

5. Malis yuav yug tau ib tug \_\_\_\_\_, koj yuav tsum tis tus metub ntawd npe hu ua \_\_\_\_\_.
6. “Nej yuav tsum tso nej tej kev \_\_\_\_\_ tseg thiab ua kevcai \_\_\_\_\_, Vajtswv thiaj yuav zam \_\_\_\_\_ rau nej.”

7. Thaum tsis tau tsim lub ntiajteb, \_\_\_\_\_ yeej muaj nyob los lawm; Txojlus ntawd ibtxwm nrog Vajtswv nyob, thiab Txojlus ntawd yog \_\_\_\_\_.

### C: Tseeb los Tsis Tseeb

8. Malis yog Yexus niam.
  - A. Tseeb
  - B. Tsis Tseeb
9. Muaj ib tug timtswv hais rau pab yug yaj hais tias, “Hnub no nej tus Cawmseej twb yug los rau hauv Xalumoos lub nroog lawm, nws yog Khetos uas yog tus Tswv!”
  - A. Tseeb
  - B. Tsis Tseeb
10. Vajntxwv Helauj txib neeg mus tua cov me-nyuam tub uas muaj hnub nyoog peb xyoo rov hauv tua povtseg huv tibi.
  - A. Tseeb
  - B. Tsis Tseeb

### D: Leejtwg vog tus hais qhov lus no?

11. “Nej cia li tso plhuav nej tej kev txhaum tseg rau qhov Ntuj Ceebtsheej twb los ze lawm.”  
\_\_\_\_\_
12. “Neb yuav nrhiav kuv ua abtsi? Neb tsis paub hais tias kuv yuav nyob hauv kuv Txiv lub tsev no los?” \_\_\_\_\_
13. “Koj yuav nyob kaj siab lug! Tus Tswv nrog nraim koj nyob thiab foom koobhmoov ntau kawg rau koj!” \_\_\_\_\_



# Chu-Yin T. Her

“COV KWVTIJ, NEJ YUAV TSUM THOV VAJTSWV PAB PEB THIAB. NEJ IB TUG YUAV TSUM HLAB IB TUG.” ~ I THEXALAUNIKES 5:25-26.

## Mus Saib 7 Pawgntseeg

**T**au ntau xyoo dhau los, cov Board of Directors hauv SCG Main Office tsis tawm tuaj saib ib tsoom ntseeg vim sawvdaws nyob tsis sib ze thiab khwv heev. Xyoo 2019, yog ib lub xyoo zoo uas pab Board of Directors tau tuaj mus saib txhua pawgntseeg. Cov ntseeg txhua tus puavleej tostxais pab Board of Directors zoo kawg. Thov Vajtswv foom koobhmoov zoo rau txhua

pawgntseeg.

Lub homphiaj ntawm pab Board of Directors tuaj mus saib xya pawgntseeg yog qhia txog SCG tegnum (mission) thiab lub zeem-



Milwaukee SCG | 11/10/2019  
Elder Chertzong Xiong

yuavtsum nyob ruaj khov kho rau ntawm Vajtswv thiab rau siab ua Vajtswv tegnum tsis txhob tso tseg.

Sawvcev ntawm pab Board of Directors yog Xf. Tswv-Yeej T. Hawj, Chairman, Txwjlaug Txawjzoo Xyooj, Secretary, thiab Xf. Tswvneej Yaj, Board Member.



Marysville SCG | 9/28/2019  
Rev. Chueneng J. Yang

muag (vision), muab Vajtswv Txojlus los txhawb tej pejxeem tej kev ntseeg thiab hais lus txhawb zog kom txhua tus ntseeg



Fresno SCG | 10/12/2019  
Rev. Chu-Yin T. Her

# 7 PAWGNTSEEG

## Marysville Salvation Church of God

**T**ubtxib Tswv Pab Yaj yog tus saib pawgntseeg Marysville SCG. Nws kub siab lug ua Vajtswv tegnum tsis nkees hlo li. Txawm nws yog ib tug tubtxib tshiab los nws tsis txhawj vim tias Vajtswv tau hloov nws lub neej tsis yog tus neeg qub lawm. Hnub uas nws txais yuav Tswv Yexus ua nws tus Cawmseej lawm nws thiaj txiavtxim siab los ua Vajtswv ib tug tubtxib.

Lub 9/28/2019, pab Board of Directors tau mus ntsib Tubtxib Tswv Pab Yaj thiaib cov ntseeg nyob hauv Marysville, California. Cov ntseeg zoo siab heev vim tau ntau xyoo cov Board of Directors tsis mus saib lawv. Hnubno lawv tau ntsib pab Board of Directors thiaib tau nrog lawv tham txog Vajtswv teg dejnum ua rau sawvdaws zoo siab heev. Tsis tag li Xf. Tswvneej Yaj kuj tau lub sijhawm zoo los muab Vajtswv Txojlus los txhawb cov ntseeg sawvdaws ua rau lawv muaj kev kajsiaib lug.

Thaum pab Board of Directors muab kev paivyi tag lawm, lawv tau thov Vajtswv tsoomkwm rau cov ntseeg. Dhau ntawd Tubtxib Tswv Pab thiaib nws pab Fajthwj npaj tau ib roojmov coj pab Board nrog rau ib tsoom pejxeem mus nrog sawvdaws koom noj

roojmov ua kev zoo siab ua ntej yuav sib ncaim.

---

## Living Gospel Salvation Church of God

**L**iving Gospel SCG uas nyob rau hauv lub zos Modesto, California yog ib pawgntseeg uas tau koob-hmoov kawg vim lawv tau ib tug xibfwb paub Vajtswv Txojlus zoo thiaib muaj lub siab mos muag. Pawg-ntseeg Living Gospel tsis coob li lwm pab lwm pawg tabsi cov ntseeg sawvdaws kubsiaib lug tuaj pehawm Vajtswv rau hnub So (Sabbath) tsis tu ncu.

Xibfwb Leej Xyooj thiaib Kiab Vaj, nws pojniam nkawv muaj ob tug tub thiaib ob tug ntxhais. Xibfwb/Dr. Leej W. Xyooj yog tus xibfwb saib pawgntseeg Living Gospel SCG. Tsis tag li ntawd xwb, Xf. Leej yog ib tug xibfwb qhia ntawv nyob rau hauv ib lub Christian school tau ntau lub xyoo los lawm.

Lub 10/5/2019, pab Board of Directors tau mus saib pawg ntseeg Living Gospel SCG. Cov Fajthawj thiaib tsoom ntseeg sawvdaws zoo siab thiaib tostxais pab Board of Directors zoo heev. Tomqab pab niamtsev los coj sawvdaws hu nkauj txhawb zog tag, pab Board los paivyi txog SCG tegnum, lub homphiaj thiaib thov Vajtswv rau tsoom ntseeg

sawvdaws.

Dhau qhov ntawd yog koom kev noj ib rooj noj vim cov ntseeg sawvdaws ib yig nqa ib qho zaub-mov thiaib dej haus tuaj tso uake rau sawvdaws noj ua kev zoo siab.

---

## Fresno Salvation Church of God

**F**resno Salvation Church of God yog ib pawg uas muaj pejxeem coob tshaj lwm pawgntseeg hauv cov pab pawg ntseeg uas zwm rau hauv Salvation Church of God, Inc. Lawv muaj ib lub tuamtsev teevhawm Vajtswv los vim yog cov ntseeg muaj kev koomsiab. Lawv kev sibpab thiaib koom siab ua rau lawv tsim yuav tau lub tuamtsev los ua chaw teevhawm. Cov pawg-ntseeg ob cag yuav tau los kawm ua li pawgntseeg Fresno SCG ua seb sawvdaws puas nce ib them.

Thaum lub 10/12/2019, pab Board of Directors tau mus saib tsoom thawjcoj thiaib pawgntseeg Fresno Salvation Church of God, tsoom ntseeg muaj kev tostxais pab Board of Directors zoo kawg.

Xibfwb Tswvneej Yaj muab Vajtswv txojlus los txhawb cov ntseeg ua rau sawvdaws muaj kev kaj siab lug. Tsis tag li ntawd, Txwjlaug Txawjzoo Xyooj los

hais lus txhawb zog kom cov ntseeg yuavtsum nyob ruaj khov kho rau hauv yus pawgntseeg. Txawm coob thiab tsawg los tsis txhob thim. Txwjlaug Txawjzoo hais ntxiv tias, *“Nyob Modesto, thaum pib txawm yog nws thiab nws yawmtxiv Txwjlaug Nomlis Muas nkawv ob yig xwb los nkawd twb tsis thim.”* Twb yog vim txojkev ntseeg, pawgntseeg Living Gospel Salvation Church of God nyob rau hauv Modesto thiaj nyob los txog niaj hnuv no. Peb cov ntseeg txhua tus yuav tsum tsis txhob tso Vajtswv tseg.

Thaum pab Board of Directors los hais lus tag, Xf. Jeremy thiab nws pab Fajthwj tau koj pab Board mus noj ib roojmov ua kev zoo siab.

---

## Hmong Salvation Church of God

**H**mong Salvation Church of God tsim tsa nyob rau hauv lub nroog St. Paul, Minnesota txij thaum lub xya hli 2013. Xibfwb Txhajzeb Koo yog tus Thawj Xibfwb (Senior Pastor) saib pawgntseeg li hais. Nws yog ib tug xibfwb uas sawvdaws hwm thiab saib rau qib siab vim nws yog ib tug uas tuav lub meejmom xibfwb ntev tshaj txhua tus xibfwb huv tibsi.

Lub 11/9/2019, pab Board of Directors zoo siab tau mus ntsib Xibfwb Txhajzeb, nws pab thawjcoj thiab cov ntseeg nyob rau hauv Hmong Salvation Church of God.

Txwjlaug Txawjzoo Xyooj hais tias thaum nws tuaj txog hauv lub tuamtsev no nws saib txhua tus zoo ib yam li nws tsevneeg. Lub tuamtsev no zoo li yog nws lub

thiab. Nws hais ntxiv tias peb cov ntseeg txhua ua yuavtsum ua tswvcuab rau hauv yug pawgntseeg thiab tsis txhob thim thaum kawg Vajtswv thiaj foom koobhmoov rau yus.

Cov thawjcoj thiab cov ntseeg npaj ib roojmov qab heev rau sawvdaws noj uake ua kev zoo siab. Thov Vajtswv foom koobhmoov rau cov ntseeg, cov fajthwj thiab Xf. Txhajzeb uas lawv tos txais pab Board of Directors los ntawm Vajtswv txojkev hlub.

---

## Milwaukee Salvation Church of God

**M**ilwaukee Salvation Church of God yog ib pawgntseeg uas muaj cov txwjlaug, cov tub-txhais hluas thiab cov niamtsev ua cov tuav thiab saib pawgntseeg xwb vim lawv tsis muaj xibfwb. Ntu nram ntej Xibfwb Vajtsheejzoo Lauj yog tus xibfwb saib pawgntseeg Milwaukee Salvation Church of God tabsi vim nwg raug xaiv mus tuav tegnum Thawjcoj (Superintendent) rau hauv SCG Hauvpaugnab lawm, cov txwjlaug thiab cov hluas raug los nres los txheem thiab pab cov ntseeg kom sawvdaws tuav tau pawgntseeg.

Lub 11/10/2019, pab Board of Directors tau mus saib cov thawjcoj thiab pawgntseeg Milwaukee SCG. Txwjlaug Vamtswb Tsab yog tus tuav saib pawgntseeg. Cov ntseeg sawvdaws tostxais pab Board zoo heev.

Pab Board hais lus txhawb cov ntseeg lub zog thiab muab Vajtswv Txojlus los nplig sawvdaws lub siab. Dhau ntawd

Txwjlaug Vamtswb thiab nws pab Fajthwj tau koj pab Board mus noj ib roojmov ua kev zoo siab.

---

## Redeemer Salvation Church of God

**R**edeemer Salvation Church of God tus xibfwb yog Xibfwb Txheejtxheem Vaj. Cov ntseeg tsis muaj kev nyuaj siab txog tej suab pajnrug lossis sound systems vim Xf. Txheejtxheem yog ib tug uas paub kho tej suab no kom nrov zoo. Lawv yog ib pawgntseeg uas tau koobhmoov kawg nkaus.

Thaum lub 12/14/2019, pab Board of Directors tau mus ntsib cov thawjcoj thiab cov ntseeg nyob rau hauv pawgntseeg Redeemer Salvation Church of God. Cov ntseeg txhua tus puavleej tostxais pab Board zoo heev.

Xibfwb Tswv-Yeej T. Hawj muab Vajtswv txojlus txhawb cov ntseeg hais tias peb cov ntseeg yuavtsum ua tswvcuab rau hauv yug pawgntseeg. Yam uas yog koj tuskheej li koj thiaj saib tseemceeb. Yog li ntawd, peb yuavtsum saib peb pawgntseeg tseemceeb lwm leej lwm tus thiaj yuav saib peb tseemceeb.

Tomqab sawvdaws koom kev teevhawm thiab mloog lus txhawb zog dhau lawm, tsoom thawjcoj hauv Redeemer Salvation Church of God koj pab Board mus noj ib roojmov qab heev uake yog kev sib ntsib thiab kev sib txhawb zog.

Thov Vajtswv foom koobhmoov rau txhua pawgntseeg!!!



# New Salvation Church of God

**New** Salvation Church of God yog ib pawg -ntseeg uas muaj kev koomsiab thiab lawv nyob ruaj khov kho tsis txhawj tsis ntshai. Txawm lawv tsis coob npaum li lwm pab pawg los lawv koom siab thiab sib pab nroos tawm zog, tawm tswvyim thiab tawm nyiaj txiaj tuaj tso ua ke yuav tau ib lub tuamtsev rau cov ntseeg mus teevhawm Vajtswv. Lawv

tegnum ua rau lawv tau txais kev kajsiab lug. Tsis yog li ntawd xwb, cov ntseeg tseem niaj xyoo nrhiav kev fund-raising nyiaj los txhim kho lub tuamtsev kom zoo tshaj qhov qub.

Xibfwb Anthony Kaub Hawj yog tus saib pawgntseeg New Salvation Church of God. Tsoom thawjcoj muaj kev koomtes nrog xibfwb ua rau lawv tuaj zogzis pab thiab coj cov ntseeg mus teevhawm Vajtswv tsis tu ncu. Cov txivtsev thiab niamtsev pab txhawb xibfwb thiab

niam xibfwb ua rau nkawd ua tau siab ntev tuav pawgntseeg thiab hlub txog Vajtswv tegnum.

Lub 12/15/2019, pab Board of Directors tau mus ntsib cov thawjcoj hauv New Salvation Church of God thiab cov ntseeg. Cov ntseeg sawvdaws zoo siab tos-txais pab Board zoo kawg. Txawm twb ligx lawm los lawm tseem npaj tau ib roojmov qab heev rau sawvdaws noj ua kev zoo siab.

Vajtswv tau koobmeej!

# Gallery





**Marysville, California | September 28, 2019**

**Marysville SCG ■ 2019 Local Church Staff:**  
(Left to right)

Xiong Pao Vang, *Treasurer*; Max Vang accepted certificate on behalf of Lucy Her); Muajtsvkoob Vue, *Assistant Treasurer* Tubtxib Tswv Pab Yang, *Lead Elder*. (Not in the photo): Lucy Her, *Secretary*, Nancy Her, *Women Ministry Director* Michelle Vang, *Youth President*



**Modesto, California | October 5, 2019**

**Living Gospel SCG ■ 2019 Local Church Staff:**  
(Left to right)

Yue Pheng Vang, *Youth President*; See Vang, *Women Ministry Director*; Tsoua Yang, *Treasurer*; Chertzong Xiong, *Elder* Dr. Leng Xiong, *Senior Pastor*; Chercheng Yang, *Trustee* Thayyeng Vang, *Deacon*; Chue Yeng Vang, *Deacon* Tray Yang, *Secretary*



**Fresno, California | October 12, 2019**

**Fresno SCG ■ 2019 Local Church Staff:**  
(Left to right)

Johnny Yang, *Youth President*; Pa Xiong, *Nursery Director* Crystal Xiong, *Sabbath School Director*; Kha Yang Vang *Women Ministry Director*; Tongblia Vang, *Men Ministry Director*; Wayeng Vue, *Men Ministry Assistant*; Tomsee Vang *Treasurer*; Kong Cheng Moua, *Secretary/Asst. Treasurer* Chuefieng Xiong, *Board Member*; Dr. Shongyong Xiong, *Board Member*; Shongcheng Vang, *Board Chairman*; Pastor Xenger Jeremy Xiong, *Senior Pastor*. (Not in the photo): Nkaujzouapa Lor, *Choir Director*; Chai Vang, *Trustee*



**St. Paul, Minnesota | November 9, 2019**

**Hmong SCG ■ 2019 Local Church Staff:**  
(Left to right)

Jenny Xiong, *Sabbath School Director*; Pahoua Chue *Women Ministry Director*; Blong Lee, *Men Ministry Director* Vong Yang, *Treasurer*; Part Yang, *Secretary* Rev. Sia Ge Kong, *Senior Pastor* (Not in the photo): Nina Xiong, *Sabbath School Asst.*



**Milwaukee, Wisconsin | November 10, 2019**

**Milwaukee SCG ■ 2019 Local Church Staff:**  
(Back row, 3 & 4 left to right):

Victor Vang, *Treasurer*; Xouta Lor, *Secretary*

(Front row, left to right):

Jay Lor, *Board*; Tou Yeng Yang, *Board*; Church member accepted certificate on behalf of Thai John Xiong, *Board*; Fuecha Lor accepted certificate on behalf of Baikou Lor); Priya Vang, *Women Ministry Director*; Wachue Cha, *Lead Elder/Men Ministry Director*. Not in the photo: Thai John Xiong, *Board*; Baikou Lor, *Youth President*



**Minneapolis, Minnesota | December 14, 2019**

**Redeemer SCG ■ 2019 Local Church Staff:**  
(Left to right)

Touayim Thoj, *Deacon/Elder*; Vamneej Moua, *Outreach Director*; Keng Lee, *Trustee*; Church member accepted certificate on behalf of Kim Yang Her; Jesse Her accepted certificate on behalf of Nancy Thao; Tswvyeejtseeb Lor, *Men Ministry Director*; Leemeng Xiong, *Treasurer*; Mai Kou Yang Xiong, *Secretary*; Pastor Chentzeng Vaugh, *Senior Pastor* (Not in the photo); Kim Yang Her, *Women Ministry Director*; Nancy Thao, *Youth President*



**Green Bay, Wisconsin | December 15, 2019**

**New SCG ■ 2019 Local Church Staff:**  
(Back row, left to right)

Adon Her, *Secretary*; Cami Kaoher, *Women Ministry Director*; Chong Thong Ly, *Board Chairman/Treasurer*; Paul Moua, *Board*; Steve Vue, *Board/Legal Issues Director*; Pastor Anthoni Kao Her, *Senior Pastor*





# Vachinzong Lor

“Nej yuav tsum mloog cov thawj uas saib xyuas nej tej lus thiab ua raws li lawv hais. Lawv niaj hnub saib xyuas nej lawv tsis nkees thiab tsis dhuav li, rau qhov lawv yuav tsum qhia tej haujlwm uas lawv ua rau Vajtswv. Yog nej mloog lawv lus, lawv yuav kaj siab lug ua lawv tej haujlwm. Yog nej tsis mloog lawv lus, lawv yuav nyuaj siab xwb. Lawv yuav pab tsis tau nej hlo li.” ~ Henplais 13:17

## Tus Thawjcoj

**TUS THAWJCOJ**, *Continue from last quarter...*

**T**eebmeem tshwmsim tau hauv cov pabpawg lossis pawgntseeg yog muaj raws li qeeyam nramno:

1. Tus thawjneeg tuav tegnum thawjcoj yeej yog ib tug neeg daiquav, muaj pluaj siab tsis ncay nyob nrog nws. Siab luv, nyaum, zam tsis tau lwm tus, tsis muaj kev hlub, thiab feem ntau nws tsuas xav txog nws tuskheej xwb. Txhua yam num ua rau pabpawg lossis pawgntseeg, yuavtsum yog ua raws li nws tuskheej nyiam. Nws yuavtsum yog tus tawm txhua yam qauv rau pabpawg lossis pawgntseeg. Lwm tus tibneeg tawm qauv (plan),

nws muab hloov kom yog nws li tsis li ntawd, nws tsis txais thiab tsis txhawb lwm tus li qauv. Nws rub cov tibneeg txheebze los tuav haujlwm hauv cov pabpawg lossis pawgntseeg vim nws tsis tso siab rau lwm tus. Txawm lwm tus paub num zoo, totaub txog kev ua num, thiab xav pab xav ua num pab rau pawgntseeg npaum twg los, tus thawjcoj ntawd tsis pub tus neeg ntawd lossis cov tibneeg uas tsis txheeb nws los ua. Tus thawjcoj uas koj li hais no tsim tau teebmeem ua rau pabpawg lossis pawgntseeg tawg taus vim nws siv hwjchim tuskheej. Tsuas yog cov txheebze thiaj ua tiag nyob xwb tabsi cov tsis txheeb tsis ze, lawv nyob tsis taus nrog nws.

2. Thawjcoj thiab thawjcoj uas tuav num uake pab num hauv cov pabpawg lossis pawgntseeg tsis sib haum vim nyias tau nyias khav. Koj qhuas koj zaj yog, kuv qhuas kuv zaj zoo. Lawv tsis txo hwjchim lossis yoog muab txhua yam tsis zoo tshem tawm xaiv yuav qhov zoo coj los siv pab cov ntseeg. Tus twg los heev, nyias tau nyias ntxias cov thawjcoj kom tuaj nws tog. Nws nyiam tus thawjcoj twg, nws ntxias kom tus ntawd tuaj nws tog. Muaj kev sibfaib ua pab ua pawg sawv sib hais, sib tawmtsam tsim muaj kev ntxhov. Tuaj nyob tsis tau ua ke sibfim. Muaj kev teevhawm, koj tuaj ces kuv nkaum, kuv tuaj koj nrhiav chaw tawm tsis tuaj. Yog tuaj ua ke

los, koj tsis xav ntsib kuv, kuv tsis xav pom koj. Sibntsib kiag los tsis xav sib hu nyias fee nyias. Cov thawjcoj uas coj li hais no, yog luag tau tegnum lawm, nws txw thiab txwv hlo, nws cov txheebze nrog nws tuskheej tsis koomtes thiab tsis txhawb tegnum hlo li. Koj ua li hais no tawm tsam kuv, lwm hnub kuv tau tegnum ces kuv ua tibyam nkaus tawm tsam koj. Pabpawg lossis pawgntseeg pheej muaj kev sibcais lossis pob puas yog vim cov thawjcoj muaj kev ntxub tsis muaj kev hlub nyob hauv. Ua li hais no ces qhov tseeb yog muab tuskheej saib

hlob, muab tegnum thiab cov pejxeem los ua nws tug. Tiagx tegnum thiab tsoom pejxeem yog Vajtswv tug, nws tsuas yog raug Vajtswv txib los ua tegnum xwb. Thaum nws muab txeeb ua nws tug ces twb tsis haum Vajtswv lawm.

Tegnum ua xibfwb yog Vajtswv muab. Niam xibfwb yog tus yuavtsum xubx hwm xibfwb thiab qhia kom nws cov menyuam hwm lawv txiv ntawm lub meejmom xibfwb. Tomqab ntawd yuavtsum qhia thiab txw tsoom pejxeem hwm nws tus txiv uas yog sawvdaws tus xibfwb.

3. Qee tug niam xibfwb siv nws tuskheej li kev xav thiab cwjpw tswj nws tus txiv uas tuav lub meejmom xibfwb. Xibfwb tau tegnum, niam xibfwb txawm txhabntxawm siv lub tsamthawj (opportunity) tswj kom xibfwb ua raws li nws siab xav thiab yuam kom xibfwb tswj pabpawg lossis pawgntseeg raws li niam xibfwb tuskheej siab nyiam. Thaum zoo caij, nws tau sijhawm hais lus rau tsoom pejxeem hais txog tej haujlwm rau cov pabpawg lossis hais rau tsoom pejxeem, nws hais raws nws siab nyiam tsis ntshai tsoom pejxeem tu siab. Ntsig txog pejxeem, nws pheej nyiam muab Vajtswv txojlus lossis pheej txeev hais tias, “Vajtswv hais” thiab siv lolus tias, “Xibfwb hais” los hais ntsw thiab nkaug pejxeem tej cwjpw. Nws tej ncaujlug hais muab pejxeem cais mus tso rau kem tsis ntseeg Vajtswv thiab tsis dawbhuv. Nws nyiam yws thiab txwv kom nws tus txiv (xibfwb) txhob rub tus ub tus no los tuav num hauv pabpawg lossis pawgntseeg vim nws pheej pom tias luag tsis yog neeg zoo, neeg ncajnnees. Nws tuskheej txeev nrog tus txiv (xibfwb) sibcav hais txog xibfwb tegnum pab cov ntseeg tsis tseg tsis tu. Ua rau xibfwb nyuaj siab tag los muaj.

4. Tus niam xibfwb paub tab yog tus paubx num hais txog kev tivthaiv nws tus txiv (xibfwb) vim lub meejmom xibfwb. Thaum xibfwb tabtom ua num thiab hais lus, txawm xibfwb hais lus yuamkev thiab ua num tsis yog los, nws tsis tabmeeg qhia thiab thuum tamsim ntawd tabmeeg ntawm pejxeem xubntiag. Tomqab dhau ntawm pejxeem xubntiag lawm, nkawv ob leeg lawm xwb, nws mam ua zoo hais rau nws tus txiv (xibfwb) tias, xibfwb, puag ta lossis cov lus koj hais hauv Hmoob tsev lossis tom chaw sibtham yuamkev qhov no lossis qhov tod. Txawm yog xibfwb yeej tsis paub thiab tsis txawj, tsis ntse, paub, thiab tsis pom tiagx los, nws tsis muaj xibfwb thuum thiab hais tsis zoo tabmeeg sawvdaws ua rau xibfwb txajmuag tag, nyob mluasmlob cia, ntsejmuag ntshaus tag. Nws nquag thov Vajtswv pab nws tus txiv (xibfwb) yam tsis tu nua.

Feem ntau ntawm cov pabpawg thiab pawgntseeg pheej muajx teebmeem hais txog kev tsis haumxeeb thiab kev tawg pab tawg pawg yog los ntawm tsoom thawjcoj thiab xibfwb xwb. Pejxeem feemcoob yeej tsis muaj teebmeej thiab lawv tsis tsim teebmeem.

“Tegnum uas xibfwb yog Vajtswv muab. Niam xibfwb yog tus yuavtsum xubx hwm xibfwb thiab qhia kom nws cov menyuam hwm lawv txiv ntawm lub meejmom xibfwb.”

Thawjcoj thiab xibfwb yuavtsum ncontsoov tias, yog tsis muaj pejxeem, koj yeej tsis tau lub meejmom ua tus thawjcoj thiab tsis tau lub meejmom xibfwb. Tus hwjchim heevsawv tsis yog siv rau hauv tswj pejxeem hauv sab kev ntseeg. Nws tsuas siv tau rau hauv kev niastsam kev tsovrog phab tiv thaiv yeebcuab. Hauv pawgntseeg yog siv kev hlub thiab siv cai.

Leejtwg mloog lus ces hlub. Leejtwg tsis mloog lus muab cai los ua zoo qhia. Yog nws tsis yuav ua zoo hais thiab kom nws tuskheej rov txiavtxim rau nws xwb vim nws tsis yog cov thawjcoj thiab xibfwb tug. Nws yog Vajtswv li, nws mam nrog Vajtswv hais seb, Vajtswv yuav kom nws hloov los yuav kom nws tawm raws nws tuskheej rov txiavtxim rau nws.

Niam xibfwb yuavtsum nco ntsoov tias, koj tsis yog xibfwb, xibfwb yog koj tus txiv xwb. Koj tus txiv tau lub meejmom xibfwb, koj yog nws pojniam, sawvdaws

txawm muab koj hu ua niam xibfwb, lawv hu koj li ntawd yog hu raws koj tus txiv xwb, ncontsoov koj tsis yog xibfwb. Koj yuav siv tau lub meejmom mus tswj pejxeem yuavtsum yog koj mus kawm tegnum xibfwb thiab mus txais lub meejmom ua xibfwb. Koj qiv koj tus txiv lub meejmom xibfwb mus siv ywjsiab thaum muaj teebmeem tuaj tsis yog puas koj tabsi puas koj tus txiv vim lub meejmom yog nws lub.

Pejxeem yuavtsum nco ntsoov tias, yog tsis muaj thawjcoj, sawvdaws yeej mus tsis txog qhovtwg. Tsis muaj thawjcoj, tsis muaj leejtwg ntshai thiab luag lwm pab lwm pawg saib sawvdaws tsis tsim txiaj abtsi. Tsoom thawjcoj pab thiab coj tau sawvdaws licas yuav li ntawd.

“Cia li ua Vajtswv Tsaug uas Koj muaj Ib tug Thawjcoj.”

## WORDS OF WISDOM

“ Nws lub npe yuav hu ua Tus Tuavxam, tus uas muaj Txujci, Vajtswv tus muaj hwjchim, Vajleej Txiv tus uas nyob mus ibtxhis, Vajntxwv tus uas muaj kev thajyeeb. Yaxayas 9:6 ”

### Answer from Page: 5

1. C - Khali-ees (Lukas 1:26-27)
2. B - Helauj (Mathais 2:2-3)
3. A - Vajtswv nrog peb nyob (Mathais 1:23)
4. B - Tamaj, Lahaj, Luv, Npasenpas, Malis (Mt. 1:3-6)
5. Metub, Yexus (Mathais 1:21)
6. Txhaum, rausdej, txim (Lukas 3:3)
7. Txojlus, Vajtswv (Yauhas 1)
8. A - Tseeb (Lukas 1:30)
9. B - Tsis Tseeb (Lukas 2:11)
10. B. Tsis Tseeb (Mathais 2:16)
11. Yauhas Npativ (Mathais 3:2)
12. Yexus (Lukas 2:49)
13. Khali-ees (Lukas 1:28)



# Merry Christmas & Nyob Zoo Xyoo Tshiab!

By Lucy Her

**2019** ended wonderfully for the Marysville Salvation Church of God. The last three months were a whirlwind of activities from fundraising, supporting church families to closing out the year with holiday events such as Thanksgiving, Christmas, New Year and Watch Night. For Thanksgiving, our church came together to celebrate our thanks for one another and to thank our God for bringing us together as one family.

We celebrated Christmas and New Year together at the church with many of our friends and family, enjoying a delicious meal of spicy seafood. Our youth group shared their creativity in showcasing their ugly sweater during their white elephant event.

Watch Night was filled with games and activities for children and adults. We closed our year with a prayer for all those near and far.





# Merry Christmas & Nyob Zoo Xyoo Tshiab


By Chu-Yin T. Her

**F**resno SCG npaj tau ib lub koobtsheej nco txog Tswv Yexus hnuv yug rau cov ntseeg thiab tseem caw ib tsoom kwvtij phoojywg tuaj hu nkauj tshwjxeb qhuas Tswv Yexus thiab. Cov txiv-tsev thiab niamtsev puavleej npaj lawv tus kheej zoo heev tuaj hu nkauj tshwjxeb qhuas Tswv Yexus. Lub Sabbath School Department tseem coj tej menyuum tub menyuum ntxhais los ua ibco yeebyam piv txog hnuv Yexus yug zoo heev rau cov ntseeg saib.

Tshwjxeb yog Txwjlaug Soob Tsheej Vaj thiab nws tsevneeg muab ib tug nyuj tua rau cov ntseeg thiab kwvtij phoojywg noj. Txwjlaug Tswvntaj Muas nkawd ib niamtxiv los tseem npaj tau ibco nqaij qaib qab heev tuaj ntxiv. Tsis tag li

ntawd xwb, tseem tshuav ntau tus niamtsev/txivtsev uas tseem npaj lwm yam zaubmov tuaj ntxiv ua rau tej zaubmov ntau heev noj tsis tag.

Ua tsaug rau cov txivtsev/ niamtsev uas sawv ntxovx mus npaj zaub npaj mov rau cov ntseeg thiab kwvtij neejtsa tau noj rau lub koobtsheej Yexus yug hnuv ntawd.



**Elder Shong Cheng Vang  
Board Chairman**





# Appreciation Banquet




~ Dr. Shong Yeng & Ker Xiong ~

By Lucy Her


A special thank you goes out to all Salvation Church of God leaders and families. Niam Neej Zoo Her from Marysville threw an Appreciation Banquet for her brother-in-law and sister, Dr. Shong Yeng and Ker Xiong on November 23, 2019



Rev. Chu-Yin T. Her  
Word of Blessing



Rev. Chueneng J. Yang  
Guest Speaker



Pastor Xenger J. Xiong  
Master of Ceremony

Appreciation Banquet  
Fresno, California | November 23, 2019

in Fresno, California. Without the love and support of our church families, this event would not have been possible.

May God continue to shine his blessing on each and everyone of you.



GOSPEL TRIO

“Koj cia li noj koj tej zaub mov thiab zoo siab; cia li haus koj tej cawv txiv hmab thiab kaj siab lug, rau qhov Vajtswv yeej pom zoo kom koj ua li ntawd.”  
Tej Lus Qhia 9:7

# Tua Nyuj Faib Sawvdaws Noj

By Vachinzong Lor

## XYOO 2018

yog thawj zaug faib nqaij nyuj rau pejxeem koj mus noj. Tegnum no yog pib los ntawm peb (3) leej txivtsev, lawv nqistes koom nyiaj thiab mus tua ib tug nyuj koj los faib rau tsoom pejxeem hauv pawgntseeg. Hnub 19, 2019, pawgntseeg Milwaukee Salvation Church of God rov faib nqaij nyuj rau txhua tsev lossis tsoom pejxeem hauv pawgntseeg. Xyoo 2019 dhau los no muaj pejxeem ntau leej nqistes thiab koomsiab pab nyiaj rau tegnum yuav nyuj tua los faib rau tsoom

pejxeem noj.

Sawvdaws kev pab zaum no tau \$1,250.00 koj mus yuav tau ib tug nyuj loj heev koj los tua faib rau txhua tsev yim ntseeg hauv Milwaukee Salvation Church of God.

Tsis yog sawvdaws koomtes pab nyiaj txiaj siv mus yuav nyuj xwb tabsi muaj coob leej tuaj pab tegnum mus tua nyuj thiab tuaj pab hlais nqaij. Txawm cov hluas los puav leej tso haujlwm tseg tuaj nrog lis tegnum thiab xyaum ua tej haujlwm uas lawv tsis tau

ua hauv lawv lub neej yav nram ntej.

Cov thawjneeg tuav num hauv pawgntseeg Milwaukee Salvation Church of God muaj kev zoo siab thiab muab lus ua tsaug rau tsoom ntseeg uas muaj kev totaub zoo tias, peb koom ua ib tsevneeg ntseeg lawm, peb yuavtsum xyaum sib pab thiab sib hlub thiab sib txhawb kom sawvdaws ua kom tau raws li Vajtswv txoj lus qhia. Tseeb tiag, Vajtswv txojlus qhia meejx tias, kom peb sib hlub, ib leeg hlub ib leeg luag thiaj paub tias peb yog Nws cov thwjtim tiag. Tej yam li cov ntseeg ua no yog ib qho mex xwb tabsi kuj zoo dua li tsis muaj hlo li. Yog tias, peb cov ntseeg pheej xyaum ua thiab ua kom tau zoo tshaj li tej hais no kuj yuav zoo heev rau peb tsev neeg ntseeg thiab tegnum li hais yuav ua rau tibneeg sawvdaws pom tias Vajtswv txoj kev hlub los txum tau rau hauv tibneeg lub siab lawm tiag.

Thov Vajtswv pab kom xyoo 2020 pawgntseeg Milwaukee Salvation Church of God rov pib tegnum koom siab yuav nyuj los tua faib sawvdaws noj thiab ho koom siab ua lwm yam num los ntxiv rau hauv pawgntseeg.



## Cov Pab Nyiaj

Thai Xiong, Wachue Cha, Waze Lor, Paul Yang, Cheng Vang, Paser Lor, Yeng Xiong, Baokou Lor, Vachinzong Lor, Nengchia Xiong, Cheng Vang Lee Pao Yang & Chou Lee.

# Zov Hmo Txais Xyoo Tshiab

**T**xij li thaum lub xyoo 2007 los, cov ntseeg hauv pawgntseeg Milwaukee Salvation Church of God txhua tsev yim ntseeg puavleej tuaj koom uake nyob rau ntawm Xibfwb Vajtsheejzoo Lauj lub tsev zov hmo tostxais lub xyoo tshiab. Tsuas yog ncuax xyoo 2017 thiaj tso sawvdaws nyias nyob nyias tsev xwb.

Lub 12/31/2019 uas yog hnuv kawg ntawm xyoo 2019, tsoom pejxeem hauv pawgntseeg tuaj sib koom rau tegnum zov hmo tos txais xyoo tshiab 2020. Txhua tsev yim neeg puavleej tuaj koom kev zov hmo tsuas yog muaj qee yim ntawm cov tsev yim ntseeg uas yog cov hluas lawv txiav txim siab mus koom phoojywg kev zov hmo txais xyoo tshiab lawv thiaj tsis tuaj xwb. Txawm li ntawd los feemcoob ntawm cov ntseeg tuaj koom uake raws li hais los saum no.

Txwjlaug Vamtswb Tsab thiab nws pab thawjcoj tuav pawgntseeg los hais lus tos txais cov ntseeg thiab ua tsaug rau sawvdaws. Tomqab ntawd yog fim Vajtswv, ua tsaug rau Vajtswv vim Nws pab sawvdaws nyob ib xyoo thiab los xaus rau hmo 31 ntawm lub 12 hlis.

Pajib, niam Vajtsheejzoo tso ib zaj video slide show rau sawvdaws saib txog cov Hmoob Nyablaj thiab lawv kev ua neej nyob tebchaws Nyablaj. Tomqab saib zaj video no xaus lawm, yog muaj kev hais lus txhawb zog los ntawm cov ntseeg. Coob leej los hais lus povthawj qhia txog tegnum Vajtswv pab lawv tsev yimneeg hauv xyoo 2019 uas Vajtswv pab ua ntuzus pib hauv

lub 1 hlis los txog rau lub 12 hlis. Sijhawm mus ceev heev, sawvdaws hais lus twb tsis tau povkhawv twb txog lub sijhawm hnuv 31 yuav dhau mus.

Sijhawm tshuav luv 15 feeb sij, cov ntseeg ntawm cov tsev yimneeg nyias txheeb nyias cov menuam los sawv ua pab ua pawg. Qhib lub sijhawm teevsij rau tim phabntsa thiab tagnrho tsoom pejxeem sawvdaws suav lub sijhawm ntawm 10 feeb sij nqis los rau 1 feeb sij. Thaum sijhawm feeb sij dhau mus txais kiag xyoo tshiab 2020, tagnrho tsoom ntseeg qw zoo siab ua

tsaug rau Vajtswv txoj kev pab. Tshwjxeeb yog Vajtswv tuav txhua tsev yimneeg ntawm cov ntseeg sawvdaws txoj sia, peb txhua tug thiaj nyob dhau plaws mus txais xyoo tshiab lawm tiagx.

Tomqab thov nyias tsevneeg hauv Vajtswv thiab ua tsaug rau Vajtswv xaus, sawvdaws los sib tuavtes zoo yam li yog ib tsevneeg fim Vajtswv xaus kev zov hmo. Xibfwb Vajtsheejzoo coj sawvdaws fim Vajtswv xaus. Dhau ntawd sawvdaws nyias rov mus nyias tsev thiab saib ces twb yog 1:20 AM, sawvntxhov ib tag hmo lam.

Ua tsaug Vajtswv!

“ THAUM SIJHAWM FEEBSIJ DHAU MUS TXAIS KIAG XYOO TSHIAB 2020, TAGNRHO TSOOM NTSEEG QW ZOO SIAB UA TSAUG RAU VAJTSWV TXOJ KEV PAB. ”



I will lie down  
and sleep in  
*peace,*  
for you alone, O  
LORD, make me  
dwell in safety.

Psalm 4:8



# We Believe

## **The One True God**

There is only One God who is the Creator of heaven and Earth who reveals Himself as the Triune God: Father, Son, and Holy Spirit. There is no other god before and after Him. *Eph. 4:6; I Tim. 2:5*

## **The Holy Scripture Inspired**

The Scripture, both Old and New Testaments, is infallible in the original writing, and it is the supreme authority in life and spiritually inspired by God. *II Tim. 3:16*

## **The Creation**

That God created mankind in His own image and all things which are visible and invisible above earth, on the earth and beneath the earth, whether known or unknown, are created by the Creator. *Gen. 1:1, 27; 2:4; Jn. 1:3*

## **The Fall of Man**

That God created man good and upright to have good fellowship with his Son. But man disobeyed God and chose the sinful way by eating the fruit of the Forbidden Tree. *Gen. 2:16-17; 3:6*

## **The Redemption**

That there is salvation which comes from God's only begotten Son Jesus Christ, who is totally man and God, born of a virgin, without sin and whose blood is atoned for our sins. *Mt. 1:18, 22-23; Eph. 1:7*

## **The Body of Christ (The Church)**

That all believers in every nation, speaking various languages, far and near, are one in the Body of Christ; we are all God's children. *Lk. 22:19-20; Eph. 4:3-5; 5:23*

## **The Holy Spirit**

In Jesus' promise that He would send His Spirit to dwell in us and teach us the truth. Whosoever believes in Jesus Christ must be baptized in water and in the Holy Spirit. *Jn. 7:37; Acts 4:8*

## **The Sanctification**

That believers shall live a sanctified life which is an act

of separation from what is evil, a life of dedication unto God. *Rom. 12:1-2*

## **The Great Commission**

That Jesus Christ Himself had commissioned His disciples to preach the Good News to all nations so that they may hear, know, believe, and accept Him as their Lord and Savior. *Mt. 28:19-20*

## **The Divine Healing**

That divine healing, casting out demons, and miracles come directly from God, and the Lord Jesus Christ gives the disciples the authority to exercise it. *Mt. 8:3, 16; 16:19*

## **The Blessed Hope**

That all those who believe in Christ Jesus, but have fallen asleep (dead) will be raised again to life during the time the Lord Jesus Christ returns from heaven with the sound of God's trumpet, the dead in Christ will rise first, and then the living will be transformed and join together with them in the clouds to meet the Lord Jesus Christ on the air. *I Thess. 4:16-17*

## **The Millennium Reign of Christ**

That the saints who died in Christ will reign with the Lord Jesus Christ one thousand years before the final judgment. *Rev. 20:4-6*

## **The Final Judgment**

That there will be a great final judgment in which all people, nations, tribes, either dead or alive will be raised and stand before the Almighty God, and He will judge each person according to how they lived their lives on earth. *Rev. 20:14-15*

## **The New Heaven and New Earth**

That there will be a New Heaven and New Earth. The old heaven and the old earth will pass away before the appearance of the Living God. All of those who believed in Jesus Christ shall inherit the New Heaven and New Earth forever and ever. *Rev. 21:1-4, 27*

Salvation Church of God, Inc. Presents:

# BUILDING A SOLID FOUNDATION CONFERENCE

Matthew 7:24-27

# 2020 July 24-26

# ROSEMOUNT MINNESOTA

Contact Info: SCG Main Office (414) 731-2160; (530) 218-6851

Copyright © 2019 by SCG. All Rights Reserved. No part of this publication may be reproduced in any form or by any means without the publisher's prior written permission.

## News Report




Caw tsoom xibfwb, txwjlaug, fajthwj, niamtsev, txivtsev thiab tub-ntxhais hluas yog nej muaj xovxwm zoo xav muab tsotawm, email rau Xf. Tswv-Yeej T. Hawj.



Newsletters are posted quarterly.



Visit SCG website: [www.salvationchurchofgod.org](http://www.salvationchurchofgod.org)  
Email: [cher@salvationchurchofgod.org](mailto:cher@salvationchurchofgod.org)



**Salvation Church of God, Inc. Main Office**  
4626 E. Dakota Ave • Fresno, California | Telephone: (414) 232-3844 • (530) 218-6851  
Email: [scgmainoffice@salvationchurchofgod.org](mailto:scgmainoffice@salvationchurchofgod.org) | Website: [www.salvationchurchofgod.org](http://www.salvationchurchofgod.org)